

U BiH kreirana prva social media platforma za razmjenu znanja

May 15, 2017

Knowlead: Naš cilj je da budemo prvi

Ideja vodilja jeste pretvoriti neformalno obrazovanje u formalno, te otvoriti prostor za nesebicnu podjelu znanja koje se prenosi na mlade naraštaje

Danas su se u rektoratu Internacionalnog Burch univerziteta sastali predstavnici Knowlead društvene platforme, a ujedno i studenti Burch-a, u pratnji njihovog mentora, Malcolm Dueroda MBA, gdje ih je ugostio rektor, prof. dr. Damir Marjanovic.

Studenti, Ekrem Nurovic, Haris Botic, Amer Zavlan i Ejub Hadžic, osigurali su plasman na svjetskom finalnom Microsoft Imagine Cup takmicenju koje ce se održati tokom jula 2017 godine u Seattle-u. Ovo je jedinstvena prilika kako za njihovo usavršavanje tako i za dobar networking sa kljucnim osobama u IT industriji, te, naravno, prilika da se bore za osvajanje ovog natjecanja ali na svjetskom nivou koje za glavnu nagradu ima iznos od \$100.000.

Imagine Cup je globalno takmicenje koje podstice nove generacije studenata da se udruže i koriste svoju kreativnost, strast i znanje za stvaranje aplikacija koje oblikuju razlicite segmente ljudskog života a predstavljanje najboljih projekata s podrucja Balkana održalo se u Zagrebu, 12. maja 2017. godine. Microsoft Imagine Cup je projekt koji je i ove godine okupio pet najboljih ekipa iz Albanije, Bosne i Hercegovine, Bugarske, Hrvatske, Makedonije, Crne Gore, Srbije i Slovenije.

Ekrem Nurovic, osnivač online platforme za ucenje "Knowlead" kazao je kako se radi o izuzetnoj prilici da se širem tržištu dodatno prezentiraju mogucnosti koje nudi ova platforma.

"Microsoft je prepoznao naš rad i izabrao nas da se predstavimo na takmicenju koje se ove godine održava u Zagrebu od 10. do 13. maja. Ovo je odlicna prilika da još više napredujemo, upoznamo se sa ljudima koji rade u Microsoftu i plasiramo se na svjetsko takmicenje koje se održava u SAD-u. Naš cilj je da budemo prvi jer bi nam to obezbijedilo \$25.000 koliko iznosi prva nagrada. To bi znatno ubrzalo cjelokupni rad na ovom projektu i omogućilo da zaposlimo još ljudi", kazao je Nurovic, prije samog proglašenja pobjednika.

"Mi na Internacionalnom Burch univerzitetu se zalažemo za aplikativno znanje jer samo tako naši studenti mogu poceti razmišljati o biznisu a samim tim i o kreiranju vlastitog posla. Jako smo sretni i zadovoljni zbog ovih djecaka i oni su samo jedna od ekipa sa Internacionalnog Burch univerziteta koja niže uspjehe za koje živimo i borimo se na Burch univerzitetu. Naša obaveza nije samo da studentima prenosimo znanje nego da im budemo i mentori i podrška u primjeni stecenih znanja u stvarnom životu. Uz pomoc naših profesora sa Burch univerziteta, ovi momci su pokrenuli vlastiti start-up i vec postigli veliki uspjeh. Sada cemo ih podržati u njihovom nastupu u Seattle-u, a siguran sam da ce se naša suradnja nastaviti kada budu

uspješni eksperti, poslovni ljudi i uzor budućih generacija.“, izjavio je rektor Burch univerziteta, prof. dr. Damir Marjanovic.

Nagrađeni momci su u rektoratu Burch Univerziteta sa još većom dozom entuzijazma i volje preporučivali svoje događaje iz Zagreba te podijelili svoje daljnje korake kada je riječ o samoj platformi. Jedna od ideja jeste pretvoriti njihovo neformalno obrazovanje u formalno, te omogućiti im prostor da dijele svoje znanje i prenose ga na druge mlade naraštaje, a samim tim i na nove buduće zaposlenike Knowleada.

Rektor Burch Univerziteta prof. dr. Damir Marjanovic je, pored iskrenih čestitki, izrazio veliku zahvalnost studentima na osvojenom prvom mjestu te je izrazio svoju daljnju podršku cijelom timu, koja nije manjkala od samog početka ove divne i kreativne ideje, “Knowlead”, online platformu za razmjenu znanja.